

Broj: 01-07-07/2-14-2-2006

Datum: 25. 09. 2016. godine

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14), federalni ministar unutrašnjih poslova **donosi**

ODLUKU

o dodjeli ugovora za nabavku pancira (pancirnih prsluka)

I
Na osnovu čl. 64. stav (1) tačka b), 69. stav (1) tačka a), 70. i 89. Zakona o javnim nabavkama Bosne i Hercegovine („Službeni glasnik BiH“, broj 39/14) i na osnovu Odluke o pokretanju postupka za nabavku pancira (pancirnih prsluka), putem Konkurentskog zahtjeva za dostavu ponuda, broj: 01-06-06/3-14-2-414 od 31. 3. 2016. godine, dodjeljuje se ugovor za nabavku pancira (pancirnih prsluka).

II
Ugovor za nabavku pancira (pancirnih prsluka) dodjeljuje se ponuđaču KOTEX d.o.o. Tešanj, koji je dostavio ponudu sa najnižom cijenom u iznosu od 24.570,00 KM, sa popustom i PDV-om, i koja ispunjava sve uslove predviđene Konkurentskim zahtjevom.

III
Obavezuje se Sektor za materijalno - finansijske poslove Federalnog ministarstva unutrašnjih poslova, da shodno Zakonu o javnim nabavkama BiH, pripremi sve potrebne akte za sklapanje ugovora sa ponuđačem KOTEKS d.o.o. Tešanj.

Obrazloženje

Komisija za provođenje postupaka nabavke svih roba, usluga i radova za 2016. godinu putem konkurentskog zahtjeva za potrebe Federalnog ministarstva unutrašnjih poslova - Federalnog ministarstva unutarnjih poslova, formirana Rješenjem federalnog ministra unutrašnjih poslova, broj: 01-07-07/2-14-2-2006 od 2. 11. 2015. godine, provela je postupak po Konkurentskom zahtjevu za dostavu ponuda za nabavku pancira (pancirnih prsluka, objavljenom na Portalu javnih nabavki, broj: 405-7-1-13-3-12/16 od 31. 3. 2016. godine. Tom prilikom izvršila je razmatranje, analizu i ocjenu četiri blagovremeno prispjele ponude ponuđača, i to: 1. ukupna ponuđena cijena sa PDV-om i popustom ponuđača KMTRADE d.o.o. Visoko, iznosi 26.208,00 KM; 2. ukupna ponuđena cijena sa PDV-om i popustom ponuđača ATEX d.o.o. Sarajevo, iznosi 24.219,00 KM; 3. ukupna ponuđena cijena sa PDV-om i popustom ponuđača KOTEX d.o.o. Tešanj, iznosi 24.570,00 KM; 4.

ukupna ponuđena cijena sa PDV-om i popustom ponuđača SHOT d.o.o. Zenica, iznosi 24.570,00 KM.

Nakon ispitivanja, Komisija je utvrdila da ponuda ponuđača SHOT d.o.o. nije prihvatljiva jer ne sadrži sve tražene dokumente, odnosno ne sadrži izjavu o namjeri podugovaranja, u skladu se tačkom e2) tenderske dokumentacije. Također, dostavljena garancija od 10 godina ne odnosi se na dostavljenu robu, kako je to traženo u Tenderskoj dokumentaciji, tačka c4), nego samo na balistički materijal.

Ponuda ponuđača ATEX d.o.o. također nije prihvatljiva jer ne sadrži sve tražene dokumente, odnosno ne sadrži izjavu o porijeklu robe, tačka d5), kao ni izjavu o namjeri podugovaranja, tačka e2), tenderske dokumentacije. Također, dostavljena garancija od 10 godina ne odnosi se na dostavljenu robu, kako je to traženo u tenderskoj dokumentaciji, tačka c4), nego samo na balistički materijal.

Ponude ponuđača KOTEX d.o.o. i KMTRADE d.o.o. su prihvatljive.

Komisija je uzela u obzir i tačku 5) Tenderske dokumentacije, koja se odnosi na primjenu preferencijalnog tretmana domaćeg (dobavljači su dostavili izjave da ponude podliježu (KOTEX d.o.o.), odnosno ne podliježu (KMTRADE d.o.o.) primjeni preferencijalnog tretmana).

S obzirom da je jedini kriterij za dodjelu ugovora najniža cijena, Komisija je dostavila Izvještaj s prijedlogom sklapanja Ugovora sa ponuđačem KOTEKS d.o.o. Tešanj, koji je dostavio prihvatljivu ponudu sa najnižom cijenom u iznosu od 24.570,00 KM.

Shodno navedenom a vođen Izvještajem o radu Komisije i preporukom o dodjeli Ugovora, Ugovorni organ je odlučio kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka.

MINISTAR

Aljoša Čampara

Dostaviti:

1. Ponuđaču,
 2. Sektoru za mat.-fin. poslove FMUP-a,
 3. Kabinetu ministra - Odsjek za odnose sa javnošću
(za potrebe objave na internetskoj strani FMUP-a – Ugovornog organa),
 4. U spis,
 5. a/a.
- DŽĆ/DŽĆ

FMUP-ODL